

обрачунских облика плаћања - цесије, асигнације, преузимања дуга те других облика међусобних намира обавеза и потраживања у којима је барем један од учесника нерезидент, осим ако би такво плаћање и наплата могли имати учинак недозвољеног кредитирања из члана 21. став 4. Закона о девизном пословању или ако се обрачунски облик плаћања односи на потраживање односно дуг из капиталних послова наведених у тачки VII ове Одлуке.

Резидент не може плаћање дуговања и наплату потраживања из става 1. ове тачке вршити ако, у смислу прописа о финансијском пословању и прописа о платном промету у земљи, има на рачуну за редовно пословање ненамирених доспјелих обавеза.

IX

Ова Одлука ступа на снагу наредног дана од дана објављивања у "Службеним новинама Федерације БиХ".

Број 744/10
26. августа 2010. године
Сарајево Премијер
Мустафа Мујезиновић, с. р.

На основу члана 4. став 4. и члана 7. став 3. Закона о девизном пословању ("Службene новине Federacije BiH", број 47/10), Vlada Federacije Bosne i Hercegovine je, na 155. sjednici održanoj 26. augusta 2010. godine, donijela

ODLUKU

O PLAĆANJU, NAPLATI I PRENOSU U DEVIZAMA I STRANOJ GOTOVINI

I.

Ovom Odlukom određuju se poslovi u kojima su dopušteni plaćanje, naplata i prenos u Federaciji Bosne i Hercegovine (u daljem tekstu: Federacija) između rezidenta te između rezidenta i nerezidenta u devizama i stranoj gotovini i plaćanja i naplate pri cesiji, asignaciji, preuzimanju duga i drugim oblicima međusobnih namira obaveza i potraživanja.

II.

Dozvoljeni su prenosi deviznih sredstava između deviznog računa rezidenta fizičkog lica koji je vlasnik računa i računa rezidenta fizičkog lica koji je zakonski zastupnik ili skrbnik vlasnika računa.

III.

Dopušteni su plaćanje i naplata između rezidenta u devizama i stranoj gotovini u sljedećim slučajevima:

- a) za isplatu i povrat troškova službenog puta i drugih troškova povezanih s time u inostranstvu uključujući terenski dodatak;
- b) pri posredničkim poslovima u međunarodnom prijevozu i turističko-agencijskim uslugama, između posrednika i drugog rezidenta fizičkog lica, za uslugu koju je pružio nerezident.

Dozvoljeni su plaćanje i naplata između rezidenta u devizama u sljedećim slučajevima:

- a) pri kupoprodaji vrijednosnih papira koji kotiraju ili su izdati u inostranstvu, između investitora i ovlaštenog društva te između ovlaštenih društava, osim vrijednosnih papira koji su izdati u inostranstvu, a kotiraju u Federaciji;
- b) za isplatu plaća radnicima rezidenta koji su privremeno na radu u inostranstvu (radnici na radilištima u inostranstvu, u predstavništвима, konzuli, diplomati i slično);
- c) pri kupoprodaji robe i usluga između korisnika slobodne zone te pri kupoprodaji robe i usluge između korisnika slobodne zone i rezidenta izvan zone, ako je riječ o domaćoj robi ili usluzi koja je namijenjena izvozu ili ako je riječ o stranoj robi ili usluzi;

- d) pri izvođenju investicijskih radova u inostranstvu, između nosioca posla i drugih učesnika u poslu za iznos naplaćenih radova;
- e) pri posredničkim poslovima u međunarodnom prijevozu i turističko-agencijskim uslugama, između posrednika i drugog rezidenta, za uslugu koju je pružio ili primio nerezident;
- f) kod tekućih poslova u trgovini sa inostranstvom, između posrednika i drugog rezidenta za plaćanje uvoza robe i usluga, odnosno za naplaćeni izvoz robe i usluga;
- g) u postupku unutrašnje proizvodnje za uslugu dorade, obrade i prerade uključujući i utrošeni materijal, koju je rezident pružio nosiocu unutrašnje proizvodnje;
- h) pri obraćunu po platnim karticama za iznos plaćanja ili podizanja gotovine platnom karticom domaćeg izdanja kojom se rezident koristio u inostranstvu, odnosno za iznos naplate ili podizanja gotovine platnom karticom stranog izdanja kojom se nerezident koristio u Federaciji;
- i) između filijale stranog osnivača i drugog rezidenta ako plaćanje i naplata predstavljaju ispunjenje obaveze iz ugovora sklopljenog između tog drugog rezidenta i stranog osnivača te podružnice.

IV.

Dozvoljeni su plaćanje i naplata premije osiguranja u devizama između društva za osiguranje i rezidenta kada je ugovarač osiguranja fizičko lice koje u inostranstvu boravi na osnovu važeće radne dozvole u trajanju od najmanje 183 dana.

Kada se sklapa ugovor o reosiguranju između rezidentnog osiguravajućeg ili reosiguravajućeg društva i nerezidentnog osiguravajućeg društva, dozvoljena je naplata premije i isplata štete u devizama između slijedećih rezidenata:

- a) osiguravajućeg društva i ugovarača odnosno korisnika osiguranja;
- b) osiguravajućeg i reosiguravajućeg društva na osnovu ugovora o reosiguranju.

V.

Plaćanje i naplata u devizama za tekuće poslove između rezidenta i nerezidenta dozvoljeni su pri izvozu i uvozu robe i usluga.

Uvoz ili izvoz robe dokazuje se jedinstvenom carinskom deklaracijom za izvoz ili uvoz, a uvoz ili izvoz usluga dokazuje se ugovorom ili računom za uslugu.

VI.

Rezidenti registrovani za priređivanje igara na sreću u kasinima koji imaju dozvolu Federalnog ministarstva finansija (u daljem tekstu: Ministarstvo) za priređivanje igara na sreću u kasinima mogu primati uplate u stranoj gotovini i čekovima za učestovanje u igrama na sreću u kasinu od nerezidenta i vršiti isplatu nerezidentima dobitka u stranoj gotovini i čekovima kod igara na sreću u kasinu, te mogu imati deviznu blagajnu radi uplate i isplata kod igara na sreću, u skladu sa propisom koji uređuje priređivanje igara na sreću i nagradnih igara.

Rezidenti registrovani za priređivanje igara na sreću u kasinima, koji imaju dozvolu Ministarstva za obavljanje igara u kasinima, mogu primati uplate u gotovini u konvertibilnim markama za učestovanje u igrama na sreću u kasinu od nerezidenta i isplativati nerezidentima dobitak u gotovini u konvertibilnim markama bez ograničenja.

VII.

Dozvoljeni su plaćanje i naplata u devizama između rezidenta i nerezidenta za kapitalne poslove, osim u slučajevima:

- kupoprodaje nekretnine u Federaciji i udjela u privrednim društvima sa sjedištem u Federaciji;
- kupoprodaje udjela u investicijskim fondovima osnovanim prema propisima Federacije;
- kupoprodaje vrijednosnih papira koji kotiraju ili su izdati u Federaciji koji glase na stranu valutu ili KM, osim

vrijednosnih papira koji su izdati u Federaciji, a kotiraju u inostranstvu.

Nisu dozvoljeni plaćanje i naplata između rezidenata i nerezidenata u gotovini u konvertibilnim markama na osnovu direktnih ulaganja, ulaganja u nekretnine, poslova sa vrijednosnim papirima na tržištu kapitala i tržištu novca, poslova sa udjelima u investicijskim fondovima, te kreditnih poslova.

VIII.

Dozvoljeni su plaćanje i naplata između rezidenata te rezidenata i nerezidenata u devizama koji su posljedica obračunskih oblika plaćanja - cesije, asignacije, preuzimanja duga te drugih oblika međusobnih namira obaveza i potraživanja u kojima je barem jedan od učesnika nerezident, osim ako bi takvo plaćanje i naplata mogli imati učinak nedozvoljenog kreditiranja iz člana 21. stav 4. Zakona o deviznom poslovanju ili ako se obračunski oblik plaćanja odnosi na potraživanje odnosno dug iz kapitalnih poslova navedenih u tački VII. ove Odluke.

Rezident ne može plaćanje dugovanja i naplatu potraživanja iz stava 1. ove tačke vršiti ako, u smislu propisa o finansijskom poslovanju i propisa o platnom prometu u zemlji, ima na računu za redovno poslovanje nenamirenih dospjelih obaveza.

IX.

Ova Odluka stupa na snagu narednog dana od dana objavlјivanja u "Službenim novinama Federacije BiH".

V broj 744/10
26. augusta 2010. godine Premijer
Sarajevo Mustafa Mujezinović, s. r.

#####
1001#####

Na temelju članka 3. stavak 2. Zakona o deviznom poslovanju ("Službene novine Federacije BiH", broj 47/10), Vlada Federacije Bosne i Hercegovine je, na 155. sjednici održanoj 26. kolovoza 2010., donijela

ODLUKU

O NAČINU I UVJETIMA POD KOJIMA REZIDENTI U POSLOVANJU S NEREZIDENTIMA MOGU PRIMITI NAPLATU ILI IZVRŠITI PLAĆANJE U STRANOJ GOTOVINI I GOTOVINI U KONVERTIBILNIM MARKAMA

I.

Ovom se Odlukom određuju način i uvjeti pod kojima rezidenti u poslovanju s nerezidentima mogu izvršiti plaćanje u stranoj gotovini, gotovini u konvertibilnim markama i čekovima.

II.

Za potrebe ove Odluke rezidentima se smatraju:

- pravne osobe sa sjedištem u Bosni i Hercegovini, osim njihovih predstavnštava koja se nalaze izvan Bosne i Hercegovine,
- podružnice stranih gospodarskih društava i trgovaca pojedinaca upisane u registar nadležnog organa u Bosni i Hercegovini,
- poduzetnici (trgovci, obrtnici i druge fizičke osobe) koji samostalnim radom obavljaju gospodarsku djelatnost za koju su registrirani kod nadležnog organa.

III.

Rezidenti iz točke II. ove Odluke mogu primiti naplatu od nerezidenata u stranoj gotovini i čekovima na osnovi izvoza robe i usluga u vrijednosti do 10.000,00 eura mjesečno. Nerezidentima se može platiti u stranoj gotovini i čekovima na osnovi uvoza robe i usluga u vrijednosti do 3.000,00 eura mjesečno. Za mjesecna plaćanja ili naplate u stranoj gotovini i čekovima iznosa većih od navedenih potrebno je odobrenje Federalnog ministarstva financija-Federalnog ministarstva finansija (u dalnjem tekstu: Ministarstvo).

Odobrenje iz stavka 1. ove točke Ministarstvo će izdati uz uvjet da se naplata ili plaćanje u poslovima s nerezidentom ne može obaviti bezgotovinskim putem ili ako je ono znatno otežano ako se zbog prirode posla takvo plaćanje ili takva naplata može obaviti jedino u stranoj gotovini i čekovima.

Uvoz ili izvoz robe iz stavka 1. ove točke dokazuje se jedinstvenom carinskom deklaracijom koja sadrži klauzulu da je roba prešla carinsku crtu pri izvozu ili jedinstvenom carinskom deklaracijom za uvoz, a uvoz ili izvoz usluga dokazuje se ugovorom ili računom za uslugu.

Iznimno od stavka 3. ove točke, kod naplate izvoza robe i usluga unaprijed, polog na račun može se izvršiti na osnovi predračuna rezidenta, s obvezom naknadnog dostavljanja dokumenata iz stavka 3. ove točke u roku u kojem je ugovorena isporuka robe i usluga.

Odobrenje iz stavka 1. ove točke izdaje se pojedinačno za svaku naplatu ili plaćanje, a može se dati i za iznos i određeno razdoblje, ali ne duže od jedne godine.

IV.

Odobrenje iz točke III. stavka 1. za naplatu robe i usluga navedenih u ovoj točki od nerezidenata u stranoj gotovini i čekovima ne trebaju rezidenti koji su registrirani ili su njihovi posrednici:

- za pružanje ugostiteljsko-turističkih usluga (usluga noćenja, pansiona, polupansiona i usluga prijevoza)
- za pružanje usluga zračnih luka i autocesta te za opskrbu stranih zrakoplova gorivom i mazivom i drugom potrošnom robom.
- za prodaju robe u konsignacijskim skladištima i u slobodnim carinskim prodavaonicama,
- za prodaju putničkih i robnih voznih isprava, neposredno ili preko putničkih turističkih agencija, za račun nerezidenata.

Rezidenti iz stavka 1. ove točke dužni su za potrebe devizne kontrole držati odvojeno dokumentaciju na osnovi koje su primili stranu gotovinu.

V.

Za svako plaćanje nerezidentima u stranoj gotovini i čekovima, rezidenti iz točke II. ove Odluke dužni su podići sredstva sa svoga deviznog računa u banci ili ih kupiti od banke.

Nalogu za plaćanje u inozemstvo kojim rezident u banci podiže stranu gotovinu ili čekove radi plaćanja nerezidentima prilaže se predračun nerezidenta prodavatelja robe ili izvršitelja usluge.

Banka je dužna voditi posebnu evidenciju o isplaćenoj stranoj gotovini i izdanim čekovima, a predračune na osnovi kojih je isplatila stranu gotovinu ili izdala čekove čuvati za potrebe nadzornih tijela.

Rezidenti iz točke II. ove Odluke koji su podigli stranu gotovinu, odnosno kojima su izdani čekovi radi plaćanja nerezidentima u skladu s točkom III. ove Odluke, dužni su u roku od 60 dana od dana podizanja strane gotovine ili čekova podnijeti banci dokaze da su ta gotovina i/ili čekovi iskorišteni za plaćanje robe odnosno usluga nerezidentima ili ih vratiti na svoj devizni račun u banci.

VI.

Stranu gotovinu, čekove naplaćene u skladu s točkom III. i IV. i ove Odluke položiti na svoj devizni račun u banci ili ih prodati banci u roku od tri radna dana od dana naplate.

VII.

Rezidenti iz točke II. ove Odluke mogu na osnovi izvoza odnosno uvoza robe i usluga primiti naplatu od nerezidenta ili obaviti plaćanje nerezidentima u gotovini u konvertibilnim markama u vrijednosti do 1.000 KM po računu.

Iznimno od stavka I. ove točke, rezidenti iz točke II. ove Odluke mogu na osnovi izvoza robe i usluga primiti naplatu u gotovini u konvertibilnim markama od nerezidenta fizičkih osoba bez ograničenja.